

Prome Minister Eman na New York lo ricibi e premio 'Prestigious Engineering Award'

ORANJESTAD- Prome Minister lo ta na New York e siman aki, durante un bishita cortico. Prome Minister Mike Eman lo duna discursonan na studiantenan di Columbia y New York Universities. Riba agenda tin tambe reunionnan di nivel halto cu Nacionnan Uni.

Eman ta invitado special na e ceremonia di otorgamento di e 'Prestigious Engineering Award' pa proyecto di tram di Aruba y e lo aparece na varios programa radial y di television.

Entre nan Wall Street Live, Fox Business y Bloomberg TV, tur tres tin sintonia masal na Merca.

Reunionnan na New York
Dia 25 pa 30 di Maart binidero Prome Minister Mike Eman y Minister di Infraestructura Benny Sevinger ta na New York pa atende un serie di reunion y eventonan di nivel halto. Esaki ta un promocion pa Aruba como un lider innovativo den Caribe.

Punto culminante di e siman ta e ceremonia na unda e proyecto di e tram di Aruba lo ricibi e prestigioso '2014

Diamond Award by the American Council of Engineering Companies of New York.' Prome Minister Eman lo hiba un discurso na e ceremonia despues cu oficina Sam Schwartz Engineering, e compania cu a ofrece e servicionan di consulta riba e proyecto di tram, ricibi e premio. E premio ta un reconocimiento pe trabou di excelente ingenieria y ta cualifica e proyecto di tram di Aruba pa ta un finalista den e competencia nacional.

Interes di parti medianan di comunicacion Mericano

Interes di medianan di comunicacion Mericano pa Aruba y bishita di Prome Minister Eman ta mas halto mes conduciendo na un cantidad enorme di cobertura na television, radio, revista y corant. Prome Minister Eman lo aparece na varios programa di television nacional y internacional pa discuti agenda di Aruba, su vision pa loke ta prosperidad sostenibel y Aruba su liderazgo den Caribe riba tereno di Turismo y energia renoba.

Eman ta wordo entrevista pa FOX & Friends, Bloomberg TV, Wall Street Journal Live y FOX Business. E programanan di television aki ta alcanza teledientenan den 200 miyon di cas. Prome Minister Eman lo wordo entrevista tambe pa e redactor y hefe di New York Bureau di e corant USA Today y e editor principal di e revista Travel & Leisure.

Lectura na dos universidad

Pa studiantenan di tanto Columbia University como New York University Prome Minister Eman lo duna discursonan riba e topico 'Vision di Aruba riba prosperidad sostenibel'. The Earth Institute di Columbia University ta consisti di 30 centro di estudio y 850 cientifico, becadonan postdoctoral, staff y estudiante. Trahandu a traves di hopi disciplina, Earth Institute ta studia y crea solucion pa problemanan riba tereno di salud publico, energia, sistemanan ecologico y climatologico, peligronan di naturalesa y urbanisacion. Expertonan di Earth Institute

ta conseha gobiernonan nacional y Nacionnan Uni riba temanan relaciona cu e reto nan di desaroyo di milenio. E instituto ta educando e siguiente generacion di lidernan riba tereno di desaroyo sostenibel. 'The Robert F. Wagner Graduate School of Public Service of New York University (NYU)' ta educa futuro lidernan di institutonan publico, sin lucro y di salud como tambe di organizacionnan priva cu ta brinda servicio na e sector publico. U.S. News and World Report ta clasifica Wagner-NYU e number dos programa na Merca riba tereno di Maneho di Ciudad y Politica Urbano.

Gobernador di New York

Tambe Prome Minister Eman lo reuni cu miembronan halto di Bloomberg Associates, e compania cu a wordo funda pe anterior gobernador di New York Richard Bloomberg, pa promove sostenibilidad den ciudadnan rond mundo. Bloomberg ta famoso pa su acercamento innovativo y semper bon documenta den su afan pa mehora e calidad di bida di ciudadan-

onan di New York City. Recientemente Nacionnan Uni a nombra embahador special pa Ciudadanonan y Cambio di Clima.

Representante Hulandes den Nacionnan Uni

Eman lo topa cu e actual Comisario di Transporte di New York City, Sra. Polly Trottenberg. Representante filio di Nacionnan Uni pa Hulanda Karel Karel J.G. van Ooesterom y diputado Consul General pa Consulado Hulandes na New York Yvette Daoud ta topa cu Prome Minister Eman pa un encuentro.

Tambe Eman ta reuni cu varios Rubiano bibando den e area di New York City, incluyendo esunnan cu a resalta den exterior. Na Nacionnan Uni e lo topa cu sr. Gyan Chandra Acharya, Vice Secretario General y Representante Halto pa paisnan subdesaroya, paisnan den desaroyo cu no tin lama y islanan chikito den desaroyo.

Tambe Prome Minister Eman lo reuni cu varios inversionista principal na Aruba den sector Turistico. □